

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog konkurentskog zahtjeva za dostavu ponuda, broj: 05.12.100-4744-1/19 od 16.07.2019.godine, te Odluke o izboru najpovoljnijeg ponuđača Direktorice J.U. Zavoda za javno zdravstvo Kantona Sarajevo, broj: 05.12.100-4744-Odluka o izboru LOT1/19 od 05.08.2019.godine i nakon provedene E-aukcije, kojom je Ponuda ponuđača **Apical d.o.o. Sarajevo** prihvaćena, kao najbolje ocijenjena ponuda, za potrebe J.U. Zavod za javno zdravstvo Kantona Sarajevo, zaključuje se slijedeći:

## UGOVOR ZA JAVNU NABAVKU ROBE LOT1 VERTIKALNI LABORATORIJSKI FRIŽIDER

### I UGOVORNE STRANE

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa direktorica: prof.dr.med.sci. Aida Pilav (u daljem tekstu: Ugovorni organ)

i

**Apical d.o.o. Sarajevo** ul. Paromlinska 53D, identifikacioni broj: 4201024380009, koga zastupa direktorica: Alma Mahić, (u daljem tekstu: Izvršilac), zaključili su:

### II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnije ponude za nabavku Vertikalnog laboratorijskog frižidera broj: 05.12.100-4744-Odluka o izboru LOT1/19 od 05.08.2019.

### III PREDMET UGOVORA

#### Član 1.

Predmet ovog Ugovora je nabavka robe – DVA VERTIKALNA LABORATORIJSKA FRIŽIDERA, prema tehničkim specifikacijama, navedenim u Tenderskoj dokumentaciji za nabavku robe Ugovornog organa, broj: 05.12.100-4744-1/19 od 16.07.2019. godine, kao i u Ponudi Izvršioca, br. 19 AM 168 od 19.07.2019. godine, koje čine sastavni dio ovog Ugovora.

#### Član 2.

Dva vertikalna laboratorijska frižidera (u daljnjem tekstu: roba), Izvršilac je dužan isporučiti, instalirati i provesti obuku osoblja Ugovornog organa prema svojoj Ponudi, te po uputstvima Ugovornog organa i u skladu sa važećim tehničkim propisima, pravilima i standardima.

## **IV CIJENA I NAČIN PLAĆANJA**

### **Član 3.**

Ukupna vrijednost ugovorene robe definisane u članu 1. ovog Ugovora, nakon provedene E-aukcije iznosi: **14.750,20 KM sa PDV-om, a bez PDV-a iznosi 12.607,00 KM.**

Cijena je fiksna i ne podliježe nikakvim promjenama za vrijeme trajanja Ugovora.

Ugovorni organ se obavezuje da će ukupni iznos iz stava 1. ovog člana isplatiti na račun Prodavca broj: 154103200043581 otvoren kod INTESA SANPAOLO BANKA BiH.

### **Član 4.**

Ugovorne strane su saglasne da će Ugovorni organ ukupnu vrijednost iz člana 3. stav 1. ovog Ugovora isplatiti u roku od 30 dana od dana isporuke, instalacije robe i obuke osoblja, ako prilikom primopredaje Ugovorni organ nema primjedbi na isporučenu i instaliranu robu.

U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. 19 AM 168 od 19.07.2019. godine, Ugovorni organ se obavezuje da će isplatu izvršiti odmah, a najkasnije u roku od 10 dana, nakon što Izvršilac otkloni nedostatke konstatovane u Zapisniku o primopredaji roba iz člana 8. stav 1. ovog Ugovora.

## **V ROK I MJESTO ISPORUKE**

### **Član 5.**

Izvršilac se obavezuje da će robu iz člana 1. ovog Ugovora, isporučiti i instalirati najkasnije u roku od 45 dana od dana potpisivanja Ugovora, na adresu Ugovornog organa Dr. Mustafe Pintola 1/III.

### **Član 6.**

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje izvršilac nije mogao predvidjeti,
- kada ugovorne strane sporazumno produže ugovorni rok.

### **Član 7.**

Ukoliko Izvršilac svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 60 dana, Ugovorni organ ima pravo na raskid Ugovora.

## **VI KVALITET ROBE**

### **Član 8.**

Izvršilac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koje je dao u svojoj Ponudi, br. 19 AM 168 od 19.07.2019. godine, a koju je Ugovorni organ odabrao kao najpovoljniju.

Kvalitet i karakteristiku robe koja je predmet ovog Ugovora, kontrolisat će ovlašteni predstavnici Izvršioca i Ugovornog organa.

Primopredaju robe između Izvršioca i Ugovornog organa izvršit će ovlašteni predstavnici Ugovornih strana.

O navedenoj primopredaji robe sačinat će se Zapisnik o primopredaji, odmah, a najkasnije u roku od 24 sata, od prijema i instalacije robe, koji će potpisati ovlašteni predstavnici Izvršioca i Ugovornog organa.

#### **Član 9.**

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji robe.

Izvršilac se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 15 dana, od dana potpisivanja navedenog Zapisnika.

Ako u navedenom roku Izvršilac ne otkloni primjedbe konstatovane Zapisnikom o primopredaji robe, Ugovorni organ zadržava pravo da raskine Ugovor.

### **VII OBAVEZE IZVRŠIOCA I UGOVORNOG ORGANA**

#### **Član 10.**

Izvršilac se obavezuje:

- da će ugovorene obaveze izvršiti blagovremeno, u ugovorenom roku, stručno i kvalitetno u skladu sa važećim tehničkim normativima i standardima, sve prema dostavljenoj Ponudi;
- da će odrediti stručna lica koja će rukovoditi izvršenjem poslova isporuke i instaliranja robe.
- da će odrediti stručna lica koja će izvršiti obuku osoblja koje odredi Ugovorni organ.
- da će Ugovornom organu omogućiti nadzor nad vršenjem isporuke i instalacije, te da će na njegov zahtjev obustaviti isporuku i instalaciju robe ukoliko se utvrdi da se ista izvodi nekvalitetno i mimo tehničke dokumentacije;
- da će snositi odgovornost za štetu u toku izvršenja ugovora nastalu radnicima Izvršioca ili trećim licima,
- da će posebno obratiti pažnju da prilikom isporuke i instalacije robe, ne nanese štetu unutar prostora ili susjednih prostora, a ukoliko se ista desi, da će je otkloniti o vlastitom trošku;
- da će u toku isporuke i instalacije robe, kao i po završetku cjelokupnog posla iz prostorija gdje je vršena instalacija robe ukloniti sav višak materijala i opreme, te da će iste očistiti;
- da će u najkraćem roku otkloniti eventualne nedostatke koji mu budu predočeni prilikom primopredaje roba iz člana 1. ovog Ugovora od strane ovlaštenog lica Ugovornog organa;
- da će prilikom primopredaje roba iz člana 1. ovog Ugovora, Ugovornom organu predati uputstva za rad na isporučenoj i instaliranoj robi, koja moraju biti napisani na jednom od službenih jezika u Bosni i Hercegovini, kao i svu potrebnu prateću dokumentaciju za istu i to: garantne listove za ponuđenu robu iz tehničke specifikacije, certifikate o kvalitetu isporučene robe i kalibraciji, ateste, licence i drugu tehničku dokumentaciju;

## Član 11.

Ugovorni organ se obavezuje:

- da će osloboditi prostorije u kojim će se instalirati roba u maksimalno mogućoj mjeri;
- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Izvršioca o svakom eventualnom propustu Izvršioca u odnosu na pitanja utvrđena ovim Ugovorom.

## VIII GARANTNI ROK

### Član 12.

Za isporučenu i instaliranu robu važi garantni rok od 24 (dvadesetčetiri) mjeseca. Garantni rok teče od dana kompletne isporuke i instalacije robe.

### Član 13.

Izvršilac snosi odgovornost za sve manjkavosti, odnosno nedostatke vezano za isporučenu robu, koje se mogu javiti ili nastati tokom garantnog perioda, pod uslovom da se roba koristi i održava u skladu sa uputstvima za njenu upotrebu i sa preporukama Izvršioca.

U garantnom roku, Izvršilac će na osnovu pismenog ili usmenog zahtjeva Ugovornog organa, o svom trošku poduzeti mjere popravke, zamjene ili će na drugi način otkloniti uočene nedostatke na robi.

Izvršilac se obavezuje da će u toku garantnog perioda pružiti servisnu podršku za predmetnu robu u okviru ovlaštenih servisa na teritoriji Bosne i Hercegovine i to u vremenskom odazivu ovlaštenog servisa maksimalno 24 sata od vremena prijave kvara od strane ovlaštenih lica Ugovornog organa na lokaciji gdje je instalirana, te da će u roku od maksimalno 72 sata otkloniti kvar.

Ukoliko se Izvršilac ne odazove i ne otkloni nedostatke ili ne izvrši zamjenu u rokovima utvrđenim u stavu 3. ovog člana, Ugovorni organ stiče pravo da za otklanjanje nedostataka ili za izvršavanje zamjena angažuje drugog izvođača i da nastalim troškovima tereti Izvršioca.

## IX UGOVORNA KAZNA I RASKID UGOVORA

### Član 14.

Ukoliko Izvršilac ne izvrši svoje obaveze u ugovorenom roku, dužan je da, Ugovornom organu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

### Član 15.

Ukoliko isporuka kasni duže od 60 dana, Ugovorni organ zadržava pravo jednostranog raskida Ugovora.

Razlog za raskid Ugovora može biti stečaj, likvidacija ili drugi oblik prestanka postojanja Izvršioca ili više sile.

#### Član 16.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

### X PRIJELAZNE I ZAVRŠNE ODREDBE

#### Član 17.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

#### Član 18.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne bude moguće, nadležan je Općinski sud u Sarajevu.

#### Član 19.

Ovaj Ugovor stupa na snagu danom njegovog potpisivanja od strane ovlaštenih predstavnika Izvršioca i Ugovornog organa, a isti će se primjenjivati do izvršenja svih pojedinačnih obaveza predviđenih ovim Ugovorom.

#### Član 20.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.



Apical d.o.o. Sarajevo  
DIREKTORICA

(Alma Mahić)

Broj: \_\_\_\_\_ /19  
Sarajevo, \_\_\_\_\_ .godine

26/08/2019

J.U. ZAVOD ZA JAVNO ZDRAVSTVO  
KANTONA SARAJEVO  
DIREKTORICA



(Prof. dr. med. sci. Aida Pilav)

Broj: 05.12.100-4744-UgovorLOT1/19  
Sarajevo, 19.08.2019.godine